

(40)<sup>1</sup>: נַחֲמוּ נַחֲמוּ עַמִּי יֹאמַר אֱלֹהֵיכֶם: <sup>2</sup>: דַּבְּרוּ עַל־לֵב יְרוּשָׁלַם׃  
 וְקִרְאוּ אֵלַיָּה כִּי מִלְּאָה צָבָאָה כִּי נִרְצָה עֲוֹנָהּ כִּי לִקְחָהּ  
 מִיַּד יְהוָה כַּפָּלִים בְּכָל־חַטָּאתֶיהָ: <sup>3</sup>: קוֹל קוֹרֵא בַּמִּדְבָּר פָּנּוּ  
 דְּרֹךְ יְהוָה יִשְׁרוּ בְּעֶרְבָה מְסֻלָּה לְאֱלֹהֵינוּ: <sup>4</sup>: כָּל־גֵּיא יִנְשָׂא  
 וְכָל־הַר וְגִבְעָה יִשְׁפְּלוּ וְהָיָה הָעֵקֶב לְמִישׁוֹר וְהָרְכָסִים  
 לְבִקְעָה: <sup>5</sup>: וְנִגְלָה כְבוֹד יְהוָה וְרָאוּ כָל־בָּשָׂר יַחְדָּו כִּי פִי  
 יְהוָה דִּבֶּר: <sup>6</sup>: קוֹל אֹמֵר קֹרֵא וְאֹמֵר מַה אֶקְרָא כָל־הַבָּשָׂר  
 חֲצִיר וְכָל־חֲסָדָו כְּצִיץ הַשָּׂדֶה: <sup>7</sup>: יִבֶּשׂ חֲצִיר נִבֵּל צִיץ כִּי רוּחַ  
 יְהוָה נִשְׁבָּה בּוֹ אֲכַן חֲצִיר הָעֵם: <sup>8</sup>: יִבֶּשׂ חֲצִיר נִבֵּל צִיץ  
 וְדַבַּר־אֱלֹהֵינוּ יִקּוּם לְעוֹלָם: <sup>9</sup>: עַל הַר־גְּבוּהָ עָלִי־לֶךְ מִבְּשָׂרָת  
 צִיּוֹן הָרִימִי בְכַח קוֹלֶךְ מִבְּשָׂרָת יְרוּשָׁלַם הָרִימִי אֶל־תִּירָאִי  
 אֲמַרִי לְעָרֵי יְהוּדָה הִנֵּה אֱלֹהֵיכֶם: <sup>10</sup>: הִנֵּה אֲדֹנָי יְהוָה בְּחֹזֶק  
 יָבוֹא וְזָרְעוּ מִשְׁלָה לּוֹ הִנֵּה שֹׁכְרוּ אֹתוֹ וּפְעַלְתּוֹ לְפָנָיו:  
<sup>11</sup>: כִּרְעָה עֲדָרוֹ יִרְעָה בְּזָרְעוֹ יִקְבֹּץ טְלָאִים וּבְחִיקוֹ יִשָּׂא  
 עֲלוֹת יִנְהַל: <sup>12</sup>: מִי־מִדָּד בְּשַׁעְלוֹ מַיִם וְשָׁמַיִם בְּזָרָת תִּכֵּן וְכָל  
 בְּשָׂלֵשׁ עֶפֶר הָאָרֶץ וְשָׁקַל בַּפֶּלֶס הָרִים וְגִבְעוֹת בְּמֵאזְנַיִם:  
<sup>13</sup>: מִי־תִכֵּן אֶת־רוּחַ יְהוָה וְאִישׁ עֲצָתוֹ יוֹדִיעֵנוּ: <sup>14</sup>: אֶת־מִי

נוֹעֵץ וַיְבִינֵהוּ וַיִּלְמְדֵהוּ בְּאַרְחַ מִשְׁפֹּט וַיִּלְמְדֵהוּ דַעַת וְדַרְךְ  
 תְּבוּנוֹת יוֹדִיעֵנּוּ: <sup>15</sup> הֵן גּוֹיִם כְּמַר מְדָלִי וְכִשְׁחַק מְאֻזְנִים  
 נִחְשְׁבוּ הֵן אֵיִם כַּדָּק יִטּוּל: <sup>16</sup> וְלִבָּנוֹן אֵין דֵּי בְעַר וְחִיתוֹ אֵין  
 דֵּי עוֹלָה: <sup>17</sup> כָּל־הַגּוֹיִם כְּאֵין נִגְדוּ מֵאַפֶּס וְתֵהוּ נִחְשְׁבוּ־לוֹ:  
<sup>18</sup> וְאַל־מִי תִדְמִיוֹן אֵל וּמַה־דְּמוּת תִּעְרְכוּ לוֹ: <sup>19</sup> הַפֶּסֶל נִסְךְ  
 חֲרָשׁ וְצִרְף בְּזָהָב יִרְקְעֵנוּ וּרְתַקוֹת כֶּסֶף צוּרָף: <sup>20</sup> הַמִּסְכָּן  
 תְּרוֹמָה עֵץ לֹא־יִרְקַב יִבְחַר חֲרָשׁ חֲכָם יִבְקֹשׁ־לוֹ לְהַכִּין פֶּסֶל  
 לֹא יִמוּט: <sup>21</sup> הֵלֹוא תִדְעוּ הֵלֹוא תִשְׁמְעוּ הֵלֹוא הִגִּד מִרְאֵשׁ  
 לָכֶם הֵלֹוא הִבִּינְתֶם מוֹסְדוֹת הָאָרֶץ: <sup>22</sup> הֵי־יֹשֵׁב עַל־חוּג הָאָרֶץ  
 וַיִּשְׁבִּיהָ כַּחֲגָבִים הַנוֹטָה כַּדָּק שָׁמַיִם וַיִּמְתַּחֵם כְּאֵהֵל לְשַׁבַּת:  
<sup>23</sup> הַנּוֹתָן רוּזְנִים לְאֵין שִׁפְטֵי אָרֶץ כִּתְהוּ עֲשֵׂה: <sup>24</sup> אֵף בַּל־נִטְעוּ  
 אֵף בַּל־זָרְעוּ אֵף בַּל־שָׂרֵשׁ בְּאָרֶץ גִּזְעָם וְגַם־נִשְׁף בָּהֶם  
 וַיִּבְשׂוּ וּסְעָרָה כִּקְשׁ תִּשְׁאָם: <sup>25</sup> וְאַל־מִי תִדְמִיוֹנִי וְאַשׁוּהָ יֹאמֶר  
 קְדוֹשׁ: <sup>26</sup> שְׂאוּ־מָרוֹם עֵינֵיכֶם וּרְאוּ מִי־בָרָא אֱלֹהֵ הַמוֹצִיא  
 בְּמִסְפָּר צְבָאָם לְכֹלָם בְּשֵׁם יִקְרָא מֵרֹב אוֹנִים וְאַמִּיץ כֹּחַ  
 אִישׁ לֹא נִעְדָּר: